



服部文庫  
117  
191  
6





117  
191  
6

禮經釋例卷九目錄

祭例上

凡士祭尸九飯大夫祭尸十一飯

凡尸飯舉脊為食之始舉肩為食之終

凡尸所食皆加于所俎若虞祭則以篚代之

凡所俎皆載心舌尸未入先設于阼階西

凡尸所食之肺脊必先奠于菹豆尸卒食佐食始受之

凡加于所俎

凡尸未食前之祭謂之墮祭又謂之接祭

凡主人受尸嘏接祭尸酢主婦亦接祭





凡尸未入室之前設饌于奧謂之陰厭

凡尸既出室之後改饌于西北隅謂之陽厭

凡卒食醕尸皆主人初獻主婦亞獻賓長三獻

凡獻尸畢皆獻祝及佐食

凡主人初獻從俎皆以肝主婦亞獻賓長三獻從俎皆

以燔主人主婦獻祝亦如之

凡暮士禮二人大夫禮四人暮畢亦有獻酢

凡祭尸不就洗別設槃匱待之

共十四例

禮經釋例卷九



祭例上

凡士祭尸九飯大夫祭尸十一飯

廷堪案特牲饋食禮尸入按祭即墮畢乃食食舉少

注舉牢肺正脊也先食啗之以為道也主人羞所俎于腊北尸三飯告

飽祝侑主人拜注三飯告飽禮一成也侑勸也或曰

又勸之使又食此始三飯也經又云佐食舉幹注幹

也尸受振祭躋之佐食受加于所俎舉獸幹魚一亦

如之始實舉于菹豆卒食佐食乃加舉于所俎佐食羞庶羞四豆



設于左南上有醢尸又三飯告飽祝侑之如初注禮  
 再成也此又三飯也合前為六飯經又云舉酪及獸  
 魚如初尸又三飯告飽祝侑之如初注禮三成此終  
 三飯也合前為九飯經又云舉肩及獸魚如初注不  
 復飯者三三者士之禮大成也舉先正脊後肩自上  
 而卻下綽而前終始之次也士虞禮尸入設庶羞後  
 尸飯燔餘于筐三飯佐食舉幹尸受振祭齊之實于  
 筐注飯間啗肉安食氣此始三飯也經又云又三飯  
 舉酪與酪同祭如初佐食舉魚腊實于筐此又三飯也  
 經又云又三飯舉肩祭如初注後舉肩者貴要成也

此終三飯也亦共九飯特牲士虞皆士禮是士祭尸  
 九飯也少牢饋食禮尸入墮祭畢食舉三飯注食以  
 黍此始三飯也經又云上佐食舉尸牢幹尸受振祭  
 齊之佐食受加于所上佐食羞馘兩瓦豆有醢亦用  
 瓦豆設于薦豆之北尸又食食即飯也大名此又一  
 飯也合前為四飯經又云食馘上佐食所上佐食舉  
 尸一魚尸受振祭齊之佐食受加于所橫之又食此  
 又一飯也合前為五飯經又云上佐食舉尸腊肩尸  
 受振祭齊之上佐食受加于所注別舉魚腊崇威儀又食此又  
 一飯也合前為六飯經又云上佐食舉尸牢酪如初



又食此又一飯也合前為七飯經又云尸告飽祝西  
 面于主人之南獨侑不拜曰皇尸未實侑尸又食此  
 又一飯也合前為八飯經又云上佐食舉尸牢肩尸  
 受振祭齊之佐食受加于所尸不飯告飽祝西面于  
 主人之南主人不言拜侑尸又三飯注為祝一飯為  
 主人三飯尊卑之差此終三飯也合前為十一飯少  
 牢大夫禮是大夫祭尸十一飯也至于有司徹不賓  
 與儻尸之禮八飯之後乃盛所俎卒盛乃舉牢肩十  
 一飯之前乃摭于魚腊俎俎釋三个其餘皆取之實  
 于一俎以出祝主人之魚腊取于是釋三个以備陽厭其餘則以備

祝主人之俎其儀雖與賓尸小異而其為十一飯則無異

也又士祭尸三飯即侑大夫祭尸七飯始侑士祭祝  
 主人共侑大夫祭祝主人更侑皆隆殺之義也

凡尸飯舉脊為食之始舉肩為食之終

廷堪案特牲饋食禮尸始三飯前乃食食舉李氏如

圭曰食舉即肺脊也食必先舉之故曰舉少牢注亦云舉牢肺

正脊也疏以乃食謂食肺是初舉肺脊也又三飯前

食舉謂正脊分屬之恐非舉幹注長脅也又舉獸幹獸幹脂及魚舉後羞庶羞

是再舉脅及腊魚也終三飯前舉骼及獸脂骼也魚如

初是三舉骼及腊魚也終三飯後舉肩及獸腊肩也魚



如初是四舉骼及腊魚也士虞禮尸始三飯前舉肺  
 脊舉後卽羞庶羞是初舉脊也又三飯前舉幹是再  
 舉脅也終三飯前舉胙與骼同是三舉胙也終三飯後  
 舉肩是四舉肩也尸不受魚腊者虞祭不備味也皆  
 始舉豕脊終舉豕肩也少牢饋食禮尸始三飯前食  
 舉注舉牢謂羊豕肺正脊也是初舉脊也四飯前舉牢  
 幹舉後羞庶羞是再舉脅也五飯前舉魚是三舉魚  
 也六飯前舉腊肩是四舉腊也七飯前舉牢骼是五  
 舉骼也八飯前不舉終三飯前舉牢肩是六舉肩也  
 少牢別舉魚腊者大夫崇威儀也亦始舉羊豕之脊

終舉羊豕之肩也士祭九飯故四舉大夫祭十一飯  
 故六舉少牢雖六舉然牢體亦祇四舉脊也脅也骼  
 也肩也少牢上佐食舉尸牢肩注四舉牢體始於正  
 脊終於肩尊於終始疏云正脊及肩此體之貴者故  
 先舉正脊為食之始後舉肩為食之終也注疏雖據  
 少牢言之其實特牲士虞亦始脊次脅次骼終肩與  
 大夫例同也又特牲少牢皆再舉後始羞庶羞士虞  
 初舉後卽羞庶羞此虞祭與吉祭異者也  
 凡尸所食皆加于胙俎若虞祭則以篚代之  
 廷堪案特牲饋食禮尸食舉舉肺脊也主人羞胙俎于腊



北尸三飯後佐食舉幹尸受振祭齊之佐食受加于  
 所俎舉獸幹魚一亦如之又三飯後舉幣及獸魚如  
 初終三飯後舉肩及獸魚如初卒食佐食盛所俎俎  
 釋三个注俎釋三个為改饌於西北隅遺之牲腊魚各留三  
个于俎為盛畢舉肺脊加于所俎此肺脊先在主婦  
陽厭之用亞獻兄弟長以燔從尸受振祭齊之反之羞燔者受  
 加于所賓三獻燔從如初此燔亦加于所前主人初  
 獻賓長以肝從尸加于菹豆不加于所者將以嘏主  
 人故也祝告利成尸謾後佐食徹尸俎俎出于廟門  
 此所謂尸俎即所盛所俎也所俎出于廟門庶羞則

徹于西序下室中神俎唯釋三个在耳餽者餽此俎  
 改饌陽厭者亦此俎其餘皆盛于所俎以歸尸也少  
 牢饋食禮尸入上佐食爾敦後主人羞所俎升自阼  
 階置于膚北尸三飯後上佐食舉尸牢幹尸受振祭  
 齊之佐食受加于所尸又食上佐食舉尸一魚尸受  
 振祭齊之佐食受加于所橫之注魚橫之者異於肉又食上佐  
 食舉尸腊肩尸受振祭齊之上佐食受加于所又食  
 上佐食舉尸牢幣如初尸入飯後上佐食舉尸牢肩  
 尸受振祭齊之佐食受加于所尸十一飯後上佐食  
 受尸牢肺正脊加于所此肺脊亦先在菹豆祭畢祝主人入于



室復位祝命佐食徹所俎降設于堂下阼階南注徹  
 所俎不出門將饋尸也有司徹不饋尸之禮尸入飯  
 後乃盛俎臠臂肫脰脊橫脊短脅代脅皆牢魚七腊  
 辯無髀注盛者盛於所俎也卒盛乃舉牢肩尸受振  
 祭齊之佐食受加于所尸十一飯後佐食受牢舉如  
 饋舉肺脊也亦先在菹豆張氏爾岐曰盛於所俎將以歸尸特  
 牲尸食訖乃盛賓尸則不盛全以歸尸故也賓尸不  
不釋是尸所食皆加于所俎而特牲及不饋尸之禮  
 除神俎所釋其餘亦盛于所俎也士虞禮尸坐從者  
 錯篚于尸左席上尸飯播餘于篚三飯佐食舉幹尸

受振祭齊之實于篚又三飯舉胙祭如初佐食舉魚  
 腊實于篚注尸不受魚腊以喪不備味又三飯舉肩祭如初舉魚  
 腊俎俎釋三个尸卒食佐食受肺脊亦先在菹豆實于篚  
 注篚猶吉祭之有所俎是虞祭以篚代所俎也陳氏  
 祥道曰士虞禮不以所俎而以篚尚質故也竊謂所  
 俎載心舌篚不載心舌所俎設于俎北篚設于席上  
 所俎主人親設篚則從者錯之其例亦小異  
 又案祭禮所以用所俎者不獨尸所食之魚肉不可  
 反於俎故加于所俎蓋亦因神俎須釋三个留為養  
 與餒及陽厭之用故其餘別用所俎盛之以歸于尸



非如賓客之禮盡卷其俎而歸之不釋故不別用俎也少牢賓尸雖不陽厭而亦餽故尸所食亦加于所俎俟餽畢然後殺所俎及尸俎而厭之於堂也至于不賓尸之禮則亦俎釋三个以為養及陽厭之用與特牲禮同也

又案有司徹不賓尸之禮盛所俎畢此時神俎尚有牢體六魚七腊體半牢體六者羊俎豕俎各釋三个也魚七腊半則不止三个故下文又云佐食取一俎乃摭魚腊俎俎釋三个其餘皆取之實于一俎以出注魚摭四枚腊摭五枚其所釋者腊則短脅正脅代

脅魚三枚而已又云祝主人之魚腊取于是則是於所俎之外又別取一虛俎取魚腊而盛之以為祝主人之俎唯釋三个於神俎與牢體同備陽厭之用此大夫之禮異于特牲者也

凡所俎皆載心舌尸未入先設于阼階西

廷堪案特牲饋食訖所俎心舌皆去本末午割之實于牲鼎載心立舌縮俎注午割從橫割之亦勿沒據牢而立縮順其牲心舌知食味者欲尸之饗此祭是以進之少牢饋食禮佐食上利升牢心舌載于所俎心皆安下切上午割勿沒其載于所俎末在上舌皆



切本末亦午割勿沒其載于所橫之皆如初為之于  
爨也注牢羊豕也安平也平割其下於載便也凡割  
本末食必正也午割使可絕勿沒為其分散也不絕中央  
少許謂之勿沒 所之為言敬也所以敬尸也周禮祭  
尚肺事尸尚心舌心舌知滋味是所俎皆載心舌也  
特牲饋食禮佐食升所俎冪之設于阼階西注所謂  
心舌之俎也郊特牲曰所之為言敬也言主人所以  
敬尸之俎少牢饋食禮佐食遷所俎于阼階西西縮  
乃反是所俎皆先設于阼階西也蓋所俎雖為盛牲  
魚腊之器並非虛俎皆先載心舌於其上所以然者

心舌知滋味故尸所食必加之如神之饗此味也先  
設于阼階西者事未至也尸既入主人乃親設之于  
俎北皆所以敬尸也陳氏祥道曰士之所俎立舌而  
不立心大夫之所俎立心而不立舌士之載縮俎則  
於俎為縮於人為橫大夫之載橫之則於俎為橫於  
人為縮特牲九飯乃盛所俎下大夫八飯即盛所俎  
則士之所俎盛于飯後下大夫之所俎盛于飯間矣  
陳氏禮書於所俎之義與例皆無所發明惟論士大  
夫異同少為詳析然特牲所俎但云立舌至于大夫  
立心之說於經亦無明文可證也



又案少牢饋食禮所俎舌皆切本末注凡割本末食必正也牲體謂之割截膾謂之切經云切注不當云割誤也疏云鄉黨孔子云割不正不食故割本末為食正也考論語鄉黨割不正不食邢昺疏謂折解牲體脊脅臂臠之屬禮有正數若解剖不得其正則不食也其說甚明即如鄉飲酒賓俎脊脅肩肺主人俎脊脅臂肺肩尊臂卑是正數也若賓俎用臂主人俎用肩則尊卑倒置即為割不正矣少牢所俎所云切本末者是切非割且祭祀之禮非飲食之禮賈氏引鄉黨為證蓋失之至于論語集注謂割不正為割肉不方正不知引少牢疏而

引漢陸績母事則更非經義矣

凡尸所食之肺脊必先奠于菹豆尸卒食佐食始受之加于所俎

廷堪案牲體尸祭齎畢即加于所俎唯肺脊不然特牲饋食禮佐食舉肺脊以授尸尸受振祭齎之左執之乃食食舉此時主人始羞所俎至三飯後佐食舉幹時尸實舉于菹豆注為將食庶羞舉謂肺脊尸卒食佐食盛所俎畢舉肺脊加于所俎注尸受佐食佐食受而加之疏云約少牢文肺脊初在菹豆是肺脊先奠于菹豆尸卒食始加于所俎也菹豆者特牲兩豆蓋葵菹之豆也



少牢饋食禮尸十一飯後上佐食受尸牢肺正脊加于所注言受者尸授之也尸受牢幹而實舉于菹豆食畢操以授佐食焉疏云按上文初食舉謂牢肺不言置舉之所約特牲禮其時受牢幹時尸實舉于菹豆今尸食畢尸乃於菹豆上取而授上佐食也有司徹不儻尸之禮尸十一飯後佐食受牢舉如儻注舉肺脊敖氏繼公曰儻者指賓尸之禮也是少牢賓尸及不賓尸其肺脊先奠于菹豆後加于所俎之例皆與特牲同也士虞禮佐食舉肺脊授尸尸受振祭齊之左手執之注右手將有事也尸食之時亦奠肺脊于豆

亦菹豆尸卒食佐食受肺脊實于篚經云受蓋亦尸自菹豆操以授之是士虞禮亦先奠于菹豆後實于篚也少牢士虞經不云尸實舉于菹豆者文不具也尸舉肺脊必先奠于菹豆者蓋肺脊之祭在尸飯之前所俎未設猶統于墮祭故別奠于菹豆示與舉幹以下異也敖氏繼公以為少牢肺脊尸未嘗奠之說與注違不可從士虞禮尸未墮祭從者即錯篚于席上亦與吉祭不同也又案特牲饋食禮主人初獻賓長以肝從尸左執角右取肝換于鹽振祭齊之加于菹豆亞獻燔從少牢



饋食禮主人初獻賓長羞牢肝用俎縮執俎肝亦縮  
進末鹽在右尸在執爵右兼取肝換于俎鹽振祭臠  
之加于菹豆亞獻無從俎有司徹不賓尸之禮主人初獻  
賓羞肝皆如饋禮亞獻燔從加于所士虞禮主人初獻賓長  
以肝從實于俎縮右鹽尸左執爵右取肝搗鹽振祭  
臠之加于俎注加于俎從其牲體也亞獻燔從如初特牲少  
牢初獻從俎尸皆加于菹豆士虞初獻從俎則加于  
俎蓋特牲少牢吉祭尸皆嘏主人士虞尸不嘏主人  
故不加于菹豆而加于俎歟竊謂以特牲少牢經文  
校之則士虞俎字恐是菹字之誤蓋加于菹卽菹豆

也然經文不敢臆改存此以質知者  
凡尸未食前之祭謂之墮祭又謂之接祭  
廷堪案特牲饋食禮尸入坐主人拜妥尸後祝命接  
祭尸左執解右取菹換于醢祭于豆間注命詔尸也  
接祭祭神食也士虞禮古文曰祝命佐食墮祭周禮  
曰既祭則藏其墮墮與接讀同耳此祭豆也又云佐  
食取黍稷肺祭授尸尸祭之祭酒啐酒告旨主人拜  
尸奠解答拜注肺祭刲肺也此祭黍稷刲肺祭酒也  
又云祭鉶嘗之告旨主人拜尸答拜此祭鉶也爾敦  
及設大羹清後舉肺脊以授尸尸受振祭臠之左執



之此祭離肺正脊也祭黍稷肺為授祭其餘皆統于  
 授祭也祭肺脊在尸未食之前統于授祭與祭幹祭  
 骼祭肩不同故尸亦奠肺脊于菹豆不于胙俎也少  
 牢饋食禮尸入祝主人拜妥尸後尸取韭菹辯煇于  
 三豆祭于豆間此祭豆也又云上佐食取黍稷于四  
 敦下佐食取牢一切肺于俎以授上佐食上佐食兼  
 與黍以授尸尸受同祭于豆祭注牢羊豕也同合也  
 合祭於菹豆之祭也黍稷之祭為墮祭將食神餘尊  
 之而祭之此祭黍稷切肺也又云上佐食舉尸牢肺  
 正脊以授尸

吳氏澄曰下有尸受祭肺四字張氏爾岐曰按唐石本亦無四字唯下食舉疏

云舉牢肺正脊也者上文云上佐食舉尸牢肺正脊以授尸尸受祭肺則賈作疏時經文尚有四字故吳云然  
 也此祭離肺正脊也爾敦及羞胙俎後上佐食羞  
 兩銅皆芼皆有柶尸扱以柶祭羊銅遂以祭豕銅嘗  
 羊銅此祭銅也唯祭銅在祭肺脊之後及不祭酒與  
 特牲小異餘皆同也士虞禮尸入主人及祝拜妥尸  
 後尸取奠左執之取菹孺于醢祭于豆間此祭豆也  
 又云祝命佐食墮祭佐食取黍稷肺祭授尸尸祭之  
 此祭黍稷切肺也又云祭奠祝祝主人拜如初尸嘗  
 醴奠之此祭奠也奠醴也猶吉祭之祭酒也又云佐  
 食舉肺脊授尸尸受振祭齊之左手執之注右手將



有事也尸食之時亦奠肺脊于豆此祭離肺正脊也  
 爾敦後尸祭鉶嘗鉶此祭鉶也士虞特牲皆士禮特  
 牲命接祭在祭豆之前士虞命墮祭在祭豆之後特  
 牲祭肺脊在爾敦之後士虞祭肺脊在爾敦之前特  
 牲祭鉶在祭肺脊之前士虞祭鉶在祭肺脊之後此  
 則虞祭異于吉祭者也特牲士虞大羹清大士虞皆  
 不祭者大羹不為神也

又案墮祭即周禮大祝九祭中之命祭也此祭必祝  
 命之故曰命祭特牲少牢及士虞皆然少牢饋食禮  
 祝反南面注未有事也墮祭爾敦官各肅其職不命

此說非也少牢上文云尸升筵祝主人西面立于戶  
 內祝在左祝主人皆拜妥尸尸不言尸答拜遂坐然  
 後云祝反南面是祝拜尸時西面命祭時則反南面  
 也特牲不云祝拜妥尸士虞不云西面少牢不云命  
 祭皆文不具也以士虞證特牲則祝亦當拜妥尸以  
 少牢證士虞特牲則當西面拜妥尸以士虞特牲證  
 少牢則祝亦當南面命墮祭矣士虞特牲云命祭不  
 云南面少牢云南面不云命祭互見也大夫以上威  
 儀多不宜殺於士矣周禮小祝大祭祀贊隋後鄭注  
 隋尸之祭也隋祭云贊則命之可知吳氏廷華曰特



牲言命按祭士虞言命墮祭少牢不言命要之皆命也交有詳略耳此說是也吳氏又以按祭為卽擣祭則誤矣曾子問曰攝主不綏祭鄭注綏周禮作墮則綏祭卽按祭皆謂墮祭與擣祭何涉

又案士虞禮陰厭主人再拜稽首祝饗命佐食祭此祭在尸未入前饗神之時蓋代神而祭者特牲少牢吉祭則無之經云祝命其亦命祭之屬歟

凡主人受尸嘏按祭尸酢主婦亦按祭

廷堪案特牲饋食禮主人初獻尸醋卽酢字主人主人拜受角尸拜送主人退佐食授按祭注其授祭亦主取黍稷肺祭

人坐左執角受祭祭之祭酒啐酒進聽嘏佐食搏黍

授祝祝授尸尸受以菹豆執以親嘏主人主人左執

角再拜稽首受復位詩懷之注詩猶承也實于左袂挂于

季指卒角拜尸答拜主人出寫嗇于房祝以籩受少

牢饋食禮主人初獻尸醋主人主人拜受爵尸答拜

主人西面奠爵又拜注俠爵拜彌尊尸上佐食取四敦黍稷

下佐食取牢一切肺以授上佐食上佐食以綏祭注綏

或作按按讀為墮主人左執爵右受佐食坐祭之又祭酒不

與遂啐酒祝與二佐食皆出盥于洗入二佐食各取

黍于一敦上佐食兼受搏之以授尸尸執以命祝卒



命祝祝受以東北面于戶西以嘏于主人主人坐奠爵興再拜稽首興受黍坐振祭齊之詩懷之實于左袂挂于季指執爵以興坐卒爵執爵以興坐奠爵拜尸答拜執爵以興出宰夫以籩受鬻黍主人嘗之納諸內是主人受尸嘏則接祭也特牲饋食禮主婦亞獻尸酢如主人儀主婦適房南面佐食接祭主婦左執爵右撫祭注撫接祭示親祭祭酒啐酒入卒爵如主人儀少牢饋食禮主婦亞獻尸酢主婦主婦拜受爵尸答拜上佐食綏祭注綏亦當作接主婦西面于主人之北受祭祭之其綏祭如主人之禮不嘏卒爵拜尸答拜是尸

酢主婦亦接祭也接祭卽綏祭惟尸與主人主婦有之主人主婦不命者下尸也會子問曰攝主不綏祭者辟正主也士虞禮主人獻尸尸不嘏主人者虞祭未純吉也

凡尸未入室之前設饌于奧謂之陰厭

廷堪案特牲饋食禮佐食徹尸薦俎敦設于西北隅注不知神之所在或諸遠人乎禮記郊特牲文尸謬而改饌為幽闇庶其饗之所以為厭飫少牢饋食禮曰南面如饋之設此所謂當室之白陽厭也則尸未入之前為陰厭矣曾子問曰殤不備祭何謂陰厭陽厭也疏



云凡言厭者謂無尸直厭飫神尸未入之前祭于奧中不得戶明故名陰厭尸謬之後改饌于西北隅以向戶明故爲陽厭引曾子問謂宗子有陰厭無陽厭凡殤有陽厭無陰厭證成人陰厭陽厭並有之義也是鄭賈皆以設饌于奧在尸未入之前爲陰厭也特牲饋食禮祝筵几于室中東面此爲神布席于奧也在室中西南隅東面至主人及祝入室後主婦盥于房中薦兩豆葵菹蠃醢在北此薦豆也主人降舉鼎載俎畢升入復位俎入設于豆東魚次腊特于俎北此設俎也又云主婦設兩敦黍稷于俎南西上此

設敦也又云及兩劔芼設于豆南南陳此設劔也又云祝洗酌奠奠于劔南此酌奠也又云遂命佐食啟會會敦蓋也佐食啟會卻于敦南出立于戶西南面此啟會也又云主人再拜稽首祝在左卒祝主人再拜稽首此饗神也少牢饋食禮司宮筵于奧祝設几于筵上右之注室中西南隅謂之奧席東面近南爲右此爲神布席也至主人及祝入室後主婦薦自東房韭菹醢醢坐奠于筵前主婦贊者一人執葵菹蠃醢以授主婦主婦不興遂受陪設于東韭菹在南葵菹在北此薦豆也又云佐食上利執羊俎下利執豕俎司士三人執魚腊膚俎



序升自西階相

注相助也

從入設俎羊在豆東豕亞其北

魚在羊東腊在豕東特膚當俎北端此設俎也又云

主婦自東房執一金敦黍有蓋坐設于羊俎之南婦

贊者執敦稷以授主婦主婦與受坐設于魚俎南又

與受贊者敦黍坐設于稷南又與受贊者敦稷坐設

于黍南敦皆南首此設敦也又云祝酌奠此酌奠也

又云遂命佐食啟會佐食啟會蓋二以重設于敦南

此啟會也又云主人西面祝在左主人再拜稽首祝

祝曰孝孫某敢用柔毛剛鬣嘉薦

注菹醢也

普淖

注黍稷也

用

薦歲事于皇祖伯某以某妃配某氏尚饗主人又再

拜稽首此饗神也皆尸未入室之前設饌于奧以饗

神者也所謂陰厭也少牢陰厭不設鉶者少牢無太

羹清故兩鉶至尸入飯時始設之與特牲不同也士

虞禮祝布席于室中東面右几降出此為神布席于

奧也至主人及祝入室後贊薦菹醢

主婦不薦醢變于吉祭

醢在

北此薦豆也又云俎入設于豆東魚亞之腊特此設

俎也又云贊設二敦于俎南黍其東稷此設敦也又

云設一鉶于豆南此設鉶也又云祝酌醴命佐食啟

會佐食許諾啟會卻于敦南復位

注復位出立于戶西

祝奠觶

于鉶南復位

注復位復主人之左

此酌奠及啟會也又云主人



再拜稽首祝饗此饗神也是虞祭陰厭惟薦豆設敦設鉶皆贊為之不用主婦酌奠以醴不以酒及祝饗後有命佐食祭于苴之禮與特牲吉祭異餘皆大略同也又禮記曾子問攝主不厭祭鄭注厭厭飫神也厭有陰有陽迎主之前祝酌奠之且饗是陰厭也尸謾之後徹薦俎敦設於西北隅是陽厭也注中主字當作尸蓋祭禮則以賓客之禮事其先如尸入飯猶賓客之食禮也卒食獻尸猶賓客之燕禮也然則陰厭其實客之饗禮歟

又案士虞禮陰厭祝饗後命佐食祭佐食許諾鉤俎

取黍稷祭于苴三取膚祭祭如初祝取奠鱓祭亦如之不盡益反奠之主人再拜稽首注苴所以藉祭也孝子始將納尸以事其親為神疑於其位設苴以定之耳或曰苴主道也許氏慎謂士結茅為苴疑出于此則特牲少牢當有主象而無可乎疏云舊云苴主道似重為主道然故鄭破之特牲少牢言祭無苴是以鄭以苴為藉祭非主道也如鄭賈所云是古禮大夫士無主也公羊傳文公二年練主用栗何休注禮士虞記曰桑主不文吉主皆刻而諡之蓋為禘祫特別昭穆也既云禘祫當亦指諸侯以上所引士虞記蓋禮之逸文魏



徐邈王肅後魏清河王懌皆以為大夫士當有主然別無經傳可據惟左傳哀十六年孔悝一事耳考孔悝反祏鄭康成以為所出君之主孔冲遠以為僭禮孔說是也故司馬氏書儀亦不云大夫士有主但為祠版之制而已朱氏家禮始有主近汪氏琬力持古大夫士有主之說而排舊義夫古今異宜古禮之不行於今者多矣古禮大夫以下無主今有主亦禮緣義起者也倘以今時大夫以下有主遂強謂古亦有主則今時祭禮無尸亦謂古祭禮無尸乎又士虞記明日以其班祏疏云大夫士無木主以幣主其神他

如士昏禮婦奠菜于廟聘禮賓釋幣于禰皆不云有主不獨特牲少牢為然也

凡尸既出室之後改饌于西北隅謂之陽厭

廷堪案特牲饋食禮祭畢佐食徹尸薦俎敦設于西

北隅几在南扉用筵納一尊佐食闔牖戶降此尸既

出室之後改饌于西北隅者也注以為陽厭詳見上有

司徹不償尸之禮卒褻有司官徹饋饌于室中西北

隅南面如饋之設右几扉用席注扉隱也納一尊于室中

注陽厭殺無元酒司宮埽祭注埽豆間之祭舊說云埋之西階東主人出立于

阼階上西面祝執其俎以出立于西階上東面司宮



闔牖戶注此於戶謾改饌當室之白孝子不知神之所在庶其饗之於此所以爲厭飫此皆吉祭之陽厭也士虞禮尸謾祝前戶出戶祝反入徹設于西北隅如其設也凡在南扉用席祝薦席徹入于房祝自執其俎出贊闔牖戶注改設饌者不知鬼神之節改設之庶幾歆饗所以爲厭飫也此虞祭之陽厭也若少牢儻尸之禮則不陽厭有司徹注徹室中之饋及祝佐食之俎卿大夫既祭而儻尸禮崇也儻尸則不設饌西北隅以此薦俎之陳有祭象而亦足以厭飫神張氏爾岐曰此既儻尸有祭象故不設饌于西北隅

爲陽厭也

又案士虞禮陽厭凡在南注凡在南變右文明東面不南面特牲陽厭亦云凡在南則士禮陽厭皆東面也少牢陽厭南面如饋之設則大夫禮陽厭南面也若陰厭大夫與士皆東面矣

又案鄭氏陰厭陽厭之說自孔賈以來無異辭至宋陸氏佃忽起而非之元吳氏澄又從而和之陸氏之言曰成人之祭無陰厭陽厭吳氏之言曰厭祭之名不施於正祭敖氏繼公儀禮集說遂因之近萬氏斯大亦主其論竊以爲皆非也考曾子問云殤不祔鄭注







尸拜受主人拜送尸祭酒啐酒賓長以肝從尸左執  
角右取肝換于鹽振祭齊之加于菹豆卒角祝受尸  
角曰送爵皇尸卒爵主人拜尸答拜此主人初獻也  
獻畢尸醋主人主人獻祝及佐食又云主婦洗爵于  
房酌亞獻尸尸拜受主婦北面拜送宗婦執兩籩尸  
外坐主婦受設于敦南祝贊籩祭尸受祭之祭酒啐  
酒兄弟長以燔從尸受振祭齊之反之羞燔者受加  
于所出尸卒爵祝受爵命送如初此主婦亞獻也獻  
畢尸酢主婦主婦獻祝及佐食又云賓三獻如初燔  
從如初爵止注初亞獻也此賓長三獻也此爵未舉



至主婦致爵于主人及主人致爵于主婦後尸始卒爵酢賓長賓長始獻祝及佐食也少牢饋食禮尸十一飯後主人降洗爵升北面酌酒乃醕尸尸拜受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右兼取肝換于俎鹽振祭濟之加于菹豆卒爵主人拜祝受尸爵尸答拜此主人初獻也獻畢尸酢主人主人獻祝及兩佐食又云主婦洗于房中出酌入尸西面拜獻尸尸拜受主婦主人之北西面拜送爵尸祭酒卒爵主婦拜祝受尸爵尸答拜此主婦亞獻也獻畢尸酢主婦主婦獻祝

及兩佐食又去賓長洗爵獻于尸尸拜受爵賓尸西北面拜送爵尸祭酒卒爵賓拜祝受尸爵尸答拜此賓長三獻也獻畢尸酢賓長賓長獻祝不及兩佐食者儻尸禮異也有司徹不儻尸之禮尸十一飯後亦主人初獻主婦亞獻賓長三獻其賓長三獻爵止惟無主人致爵于主婦之儀與特牲異餘皆大約同也是卒食醕尸士大夫祭禮皆主人初獻主婦亞獻賓長三獻也士虞禮尸九飯後主人洗廢爵注爵無足曰廢爵酌酒醕尸尸拜受爵主人北面答拜尸祭酒嘗之賓長以肝從實于俎縮右鹽尸左執爵右取肝擣鹽振



祭齊之加于俎賓降反俎于西塾復位尸卒爵祝受  
 不相爵主人拜尸答拜此主人初獻也獻畢尸醋主  
 人主人獻祝及佐食又云主婦洗足爵于房中注爵有足  
輕者酌也酌亞獻尸如主人儀自反兩籩棗栗設于會南  
 棗在西尸祭籩祭酒如初賓以燔從如初尸祭燔卒  
 爵如初酌獻祝籩燔從獻佐食皆如初此主婦亞獻  
 也又云賓長洗纒爵注纒爵口足之間有篆又彌飾三獻燔從如初  
 儀此賓長三獻也是虞祭尸卒食三獻之禮與吉祭  
 同也至于有司徹祭畢儻尸于堂及士虞記卒哭祭  
 畢餞尸亦皆備三獻之禮也

又案特牲饋食禮初獻主人洗角升酌酌尸注酌猶  
 衍也是獻尸也謂之酌者尸既卒食又欲頤衍養樂  
 之詩小雅伐木篇醕酒有衍毛傳衍美貌以詩與禮  
 證之則大祝九祭中之衍祭蓋謂祭酒也

凡獻尸畢皆獻祝及佐食

廷堪案特牲饋食禮主人初獻尸醋時親嘏主人畢筵  
 祝南面主人酌獻祝祝拜受角主人拜送設菹醢俎  
 祝左執角祭豆與取肺坐祭齊之典加于俎坐祭酒  
 啐酒以肝從祝左執角右取肝換于鹽振祭齊之加  
 于俎卒角拜主人答拜此主人初獻畢獻祝也又云



酌獻佐食佐食北面拜受角主人拜送佐食坐祭卒  
 角拜主人答拜受角降及于筐此主人初獻畢獻佐  
 食也又主婦亞獻尸醋主婦畢獻祝籩燔從如初儀  
 及佐食如初卒以爵入于房此主婦亞獻畢獻祝及  
 佐食也又賓三獻爵止主婦致爵于主人主婦自酢  
 主人致爵于主婦主人更爵自酢後尸卒爵酢賓畢  
 酌獻祝及佐食獻祝及佐食後賓致爵于主人主婦更爵酢于主人此一節共十一爵  
 此賓三獻畢獻祝及佐食也士虞禮主人初獻尸醋  
 主人畢筵祝南面主人獻祝祝拜坐受爵主人答拜  
 薦菹醢設俎祝左執爵祭薦奠爵興取肺坐祭齊之

典加于俎祭酒嘗之肝從祝取肝搗鹽振祭齊之加  
 于俎卒爵拜主人答拜祝坐授主人此主人初獻畢  
 獻祝也又云主人酌獻佐食佐食北面拜坐受爵主  
 人答拜佐食祭酒卒爵拜主人答拜受爵出實于筐  
 此主人初獻畢獻佐食也又主婦亞獻尸畢酌獻祝  
 籩燔從獻佐食皆如初又賓長三獻燔從如初儀張  
 氏爾歧曰當亦獻祝及佐食此亞獻三獻畢獻祝及  
 佐食也是士禮吉祭虞祭每獻尸畢必獻祝及佐食  
 也有司徹不償尸之禮主人初獻畢其獻祝與二佐  
 食其位其薦齊皆如償償尸禮在少牢詳見下又主婦亞獻畢



獻祝其酌如饋拜坐受爵主婦主人之北答拜宰夫薦棗糗坐設棗于菹西糗在棗南祝左執爵取棗糗祭于豆祭祭酒啐酒次賓羞燔如尸禮卒爵主婦受爵酌獻二佐食亦如饋又賓長三獻爵止主婦致爵于主人主婦自酢後尸卒爵酢賓畢獻祝及二佐食獻後賓致爵于主人主婦易爵醋于主人此一節共十爵較特牲少主人致爵于主婦及主人自酢二爵多下佐食一爵是大夫祭每獻尸畢必獻祝及二佐食也夫禮盛有上少牢饋食禮主人初獻尸設主人畢主人獻祝設席南面祝拜于席上坐受主人西面答拜薦兩豆菹醢佐食設俎祝取菹換于醢祭于豆間祝祭

俎祭酒啐酒肝牢從祝取肝換于鹽振祭齊之不與加于俎卒爵興此主人初獻畢獻祝也又云主人酌獻上佐食上佐食尸內牖東北面拜坐受爵主人西面答拜佐食祭酒卒爵拜坐授爵興俎設于兩階之間主人又獻下佐食亦如之此主人初獻畢獻兩佐食也又主婦亞獻尸酢畢易爵洗酌獻祝祝拜坐受爵主婦答拜于主人之北卒爵不興坐授主婦主婦受酌獻上佐食于戶內佐食北面拜坐受爵主婦西面答拜祭酒卒爵坐授主婦主婦獻下佐食亦如之此主婦亞獻畢獻祝及兩佐食也又賓長三獻尸醋



畢賓酌獻祝祝拜坐受爵賓北面答拜祝祭酒啐酒  
 奠爵于其筵前此賓長獻畢獻祝不卒爵又不獻佐  
 食者注云啐酒而不卒爵祭事畢示醉也不獻佐食  
 將儻尸禮殺蓋特牲士祭及少牢下大夫祭皆不儻  
 尸則三獻之禮隆上大夫祭畢別行儻尸于堂之禮  
 則三獻之禮殺故注云然也

凡主人初獻從俎皆以肝主婦亞獻賓長三獻從俎皆  
 以燔主人主婦獻祝亦如之

廷堪案特牲饋食禮主人初獻賓長以肝從注肝肝  
 炙也主人獻祝亦肝從主婦亞獻兄弟長以燔從注

燔炙肉也主婦獻祝亦燔從賓三獻燔從如初注初  
 亞獻也賓獻祝不云燔從者禮殺也士虞禮主人初  
 獻賓長以肝從主人獻祝亦肝從主婦亞獻賓以燔  
 從主婦獻祝亦燔從賓長三獻燔從如初儀不云獻  
 祝者文不具也此士禮也有司徹下大夫不儻尸之  
 禮主人初獻賓羞肝即以肝從也主人獻祝皆如儻謂如少牢  
羞牢主婦亞獻次賓羞牢燔主婦獻祝次賓羞燔如  
 尸禮賓三獻不云從者辟人君也特牲賓三獻以燔  
 從者士卑不嫌故也此大夫禮也不儻尸之禮大約  
 與士同惟三獻無從為異耳賓獻祝不以燔從如亞



獻者禮殺也少牢饋食禮主人初獻賓長羞牢肝主人獻祝亦牢肝從主婦亞獻賓長三獻皆無從者上大夫祭畢將饋尸故正祭之禮殺也

又案特牲饋食禮賓三獻主婦致爵于主人肝從燔亦如之主人致爵于主婦俎從獻皆如主人賓酌致于主人主婦燔從皆如初注如亞獻及主人主婦致爵也士祭不饋尸故致爵于三獻時行之從獻肝燔士卑不嫌與人君同故盛其禮也有司徹下大夫不饋尸之禮賓三獻主婦致爵于主人及賓致爵于主人主婦皆無從敖氏繼公曰無從與士禮異者其辟

尊者之禮歟有司徹饋尸之禮主人獻尸獻侑受尸酢又主婦受尸酢皆次賓羞羊燔主婦獻尸獻侑致爵于主人皆次賓羞豕燔饋尸有燔無肝者下正祭也賓三獻羞清魚而已魚無燔與羊豕異故三獻經不云從也大夫正祭羞肝饋尸羞燔互相成也

凡墓士禮二人大夫禮四人墓畢亦有獻酢廷堪案特牲饋食禮尸出徹庶羞後筵對席佐食分簋鉶注為將餽分之也古文墓皆作餽宗人遣舉奠及長兄弟盥立于西階下東面北上祝命嘗食墓者舉奠許諾升入東面長兄弟對之皆坐佐食授舉各一膚按此則膚亦謂之舉



主人西面再拜祝曰蕤有以也兩蕤奠舉于俎許諾  
 皆答拜若是者三皆取舉祭食祭舉乃食祭鉶食舉  
 卒食此蕤者卒食也又云主人降洗爵宰贊一爵主  
 人升酌醕上蕤上蕤拜受爵主人答拜酌下蕤亦如  
 之主人拜祝曰醕有與也如初儀兩蕤執爵拜祭酒  
 卒爵拜主人答拜兩蕤皆降實爵于篚上蕤洗爵升  
 酌酢主人主人拜受爵上蕤卽位坐答拜主人坐祭  
 卒爵拜上蕤答拜受爵降實于篚此蕤畢之獻酢也  
 蕤者用舉奠舉奠卽及長兄弟二人此士禮也少牢  
 饋食禮尸出徹所俎後司宮設對席乃四人蕤注大

四人蕤明上佐食盥升下佐食對之賓長二人備司

士進一敦黍于上佐食又進一敦黍于下佐食皆右

之于席上資黍于羊俎兩端注資猶減也減兩下是

餽兩下者兩下蕤也注云一賓長在上司士乃辨舉

蕤者皆祭黍祭舉注舉主人西面三拜蕤者蕤者奠

舉于俎皆答拜皆反取舉司士進一鉶于上蕤又進

一鉶于次蕤又進二豆清于兩下乃皆食食舉疏云

止有二鉶分進兩佐食卒食此蕤者卒食也又云主

人洗一爵升酌以授上蕤贊者洗三爵酌主人受于

戶內以授次蕤若是以辯皆不拜受爵主人西面三



拜養者養者奠爵皆答拜皆祭酒卒爵奠爵皆拜主人答壹拜養者三人興出上養止主人受上養爵酌以醋于戶內西面坐奠爵拜上養答拜坐祭酒啐酒上養親嘏曰主人受祭之福胡壽保建家室主人興坐奠爵拜執爵以興坐卒爵拜上養答拜上養興出此養畢之獻酢也有司徹不償尸之禮尸出徹俎後乃養如償言如少牢之禮也養者用兩佐食及兩賓長共四人此大夫禮也士虞祭不備禮故不養考士養祝而不嘏大夫養嘏而不祝禮相變也尸餽鬼神之餘養者又餽尸之餘故主人事養者卒食醕酢略

同事尸之禮但節文則殺耳尸次于鬼神養者又次于尸故亦祝亦嘏也

凡祭尸不就洗別設槃匱待之  
廷堪案特牲饋食禮祭日陳設尸盥匱水實于槃中  
簞巾在門內之右注設盥水及巾尸尊不就洗又不  
揮門內之右象洗在東統于門東西上又云尸入門  
在北面盥宗人授巾注侍盥者執其器就之特牲饋  
食記沃尸盥者一人奉槃者東面執匱者西面淳沃  
執巾者在匱北宗人東面取巾振之三南面授尸卒  
執巾者受是士祭尸盥槃匱設于門內之東也少牢



饋食禮祭日陳器小祝設槃匱與篚巾于西階東注  
爲尸將盥又云尸入門左宗人奉槃東面于庭南一  
宗人奉匱水西面于槃東一宗人奉篚巾南面于槃  
北乃沃尸盥于槃上卒盥坐奠篚取巾興振之三以  
授尸坐取篚與以授尸巾是大夫祭尸盥槃匱設于  
西階之東也士虞禮匱水錯于槃中南流在西階之  
南篚巾在其東注流匱吐水口也又云尸入門淳尸  
盥宗人授巾特牲槃匱設于門內之東士虞設于西  
階之南者反吉也士虞記淳尸盥執槃西面執匱東  
面執巾在其北東面宗人授巾南面特牲少牢皆奉

槃者東面執匱者西面士虞執槃西面執匱東面亦  
反吉也周禮小祝大祭祀沃尸盥天子禮尸盥小祝  
沃之故少牢小祝設槃匱也

禮經釋例卷九







獻尸侑時行之

凡不儻尸之祭賓三獻爵止則均神惠于室加爵者爵

止則均神惠于庭

凡祭陰厭則薦豆設俎尸飯則加豆亞獻則薦籩若將

儻尸則正獻不薦

凡始虞之祭謂之祫事再虞之祭謂之虞事三虞卒哭

之祭謂之成事

凡卒哭明日祔廟之祭謂之祔

凡基而祭謂之小祥又基而祭謂之大祥大祥間一月

之祭謂之禫

凡虞祭無所俎不致爵不加爵獻尸畢不獻賓不旅酬  
不養

凡卒哭祭畢餞尸于廟門外亦三獻

凡士祭加爵後嗣子入舉奠大夫祭則不舉奠

凡正祭于室儻尸則于堂

凡尸在室中皆東面在堂上則南面

凡祭畢告利成士禮則祝主人立于戶外大夫禮則祝

主人立于階上

共十六例

附詩楚茨考一篇



凡祭畢皆歸俎士獻俎主人立于瓦俎大夫獻俎  
 主人立于堂中皆東面西面堂上俎南面  
 凡五祭于室俎只限于堂  
 凡士祭皆歸俎于人舉奠大夫祭俎不舉奠  
 凡祭畢俎只于廟門衣衣三禱  
 凡祭畢俎只于廟門衣衣三禱  
 凡祭畢俎只于廟門衣衣三禱

禮經釋例卷十

欽凌廷堪次仲學

祭例下

凡儻尸之禮唯尸侑及主人備三獻自主婦以下皆一獻禮成

廷堪案有司徹儻尸之禮主人獻尸此初獻也主婦  
 獻尸此亞獻也上賓獻尸此三獻也又主人獻侑此  
 初獻也主婦獻侑此亞獻也上賓獻侑此三獻也是  
 尸與侑皆備三獻之禮也又尸酢主人此初獻也主  
 婦致爵于主人此亞獻也上賓致爵于主人此三獻



也是主人亦備三獻之禮也至于主婦受尸酢主人

獻長賓獻眾賓獻兄弟獻內賓獻私人注私人家至已所自謁除

也皆一獻禮成也主人獻尸主婦薦豆籩賓長設羊

俎次賓羞羊七清司馬羞羊肉清次賓羞羊燔凡五

節主人受尸酢主婦薦豆籩長賓設羊俎次賓羞羊

七清司馬羞羊肉清次賓羞羊燔亦五節與主人獻

尸同主婦獻尸主婦設兩鉶又設糗修此如次賓羞

豕七清司士羞豕胙次賓羞豕燔凡五節主婦致爵

于主人設二鉶與糗修受豕七清受豕胙受豕燔亦

五節與主婦獻尸同上賓獻尸司士羞清魚上賓致

爵于主人亦司士羞清魚如尸禮尸尊主人亦尊故

三獻之禮盛也主人獻侑主婦薦豆籩司馬設羊俎

次賓羞羊燔凡三節方尸與主人少羊七清羊肉清二節主婦獻侑主

婦羞糗修司士羞豕胙次賓羞豕燔亦三節方尸與主人少

鉶羹及豕七清二節上賓獻侑司馬羞清魚一如尸禮侑次于

尸與主人故三獻之禮殺也主婦受尸酢婦贊者薦

豆籩司馬設羊俎次賓羞羊燔從獻亦三節與主人

獻侑同然主人及上賓皆不致爵不能備三獻蓋主

婦次于侑故其禮又殺也若主人獻長賓但薦俎而

已無從獻其異同之故皆制禮之精義也



凡饋尸主人獻其從獻皆用羊主婦獻其從獻皆用豕  
上賓獻其從獻皆用魚

廷堪案有司徹主人初獻尸賓長設羊俎次賓羞羊  
七清司馬羞羊肉清次賓羞羊燔主人獻侑司馬設  
羊俎次賓羞羊燔是主人獻尸獻侑其從獻皆用羊  
也主人受尸酢長賓設羊俎次賓羞羊七清司馬羞  
羊肉清次賓羞羊燔皆如尸禮主婦受尸酢司馬設  
羊俎次賓羞羊燔皆于房中是主人主婦受尸酢其  
從獻亦皆用羊也主婦亞獻尸次賓羞豕七清司士  
羞豕胙次賓羞豕燔主婦獻侑司士羞豕胙次賓羞

豕燔主婦致爵于主人其受豕七清受豕胙受豕燔  
皆如尸禮是主婦獻尸獻侑及致爵于主人其從獻  
皆用豕也上賓三獻尸尸奠爵于薦左至主人獻長  
賓以及獻私人畢尸作三獻之爵司士羞清魚上賓  
獻侑司馬羞清魚一上賓致爵于主人司士羞一清  
魚皆如尸禮是上賓獻尸獻侑及致爵于主人其從  
獻皆用魚也此上大夫祭畢饋尸之禮故初獻專用  
羊亞獻專用豕三獻專用魚禮盛則威儀多也若不  
饋尸之禮賓三獻時主婦致爵于主人賓致爵于主  
婦其俎皆羊豕魚腊並設且無從俎蓋下大夫之禮



殺也又有司徹卒殺乃升羊豕魚三鼎無腊與膚注腊為庶羞膚從豕儻尸俎不用腊者下正祭也

凡儻尸羊俎為正俎其餘皆以二俎益送之

廷堪案有司徹儻尸之禮尸羊俎尸羊肉清俎尸豕

俎侑羊俎侑豕俎主人羊俎主人羊肉清俎主人豕

俎主婦羊俎尸侑主人三魚俎共十二俎俎實詳見器服之例

而七清燔俎不與焉然唯尸侑主人主婦四羊俎為

正俎其餘八俎及尸主人羊七清豕七清四俎七清有清

無肉故載俎時不列之皆以雍人所執二俎益送之上經云雍

人合執二俎陳于羊俎西竝皆西縮覆二疏七于其

上皆縮俎西枋注其南俎司馬以羞羊七清羊肉清

其北俎司士以羞豕七清豕肉清豕脊清魚敖氏繼公以為

南俎羞肉清北俎羞七清說與注異所謂南俎北俎者即益送之二俎

也主人獻尸賓長設羊俎于豆南此尸正俎也又云

雍人授次賓疏七與俎受于鼎西左手執俎左廉縮

之卻右手執七枋縮于俎上以東面受于羊鼎之西

司馬在羊鼎之東二手執挑七枋以挹清注于疏七

若是者三尸祭肺祭酒後次賓縮執七俎以升若是

以授尸尸卻手受七枋坐祭齊之興覆手以授賓賓

亦覆手以受縮七于俎上以降此羞羊七清也又云



司馬羞羊肉清縮執俎尸祭肺臍之興反加于俎司  
 馬縮奠俎于羊清俎南楊氏復曰清字衍張氏爾岐曰觀下受酢羞肉清節當是  
縮奠清俎于羊俎南乃載于羊俎卒載縮執俎以降此羞羊肉  
 清也主婦獻尸次賓羞豕七清如羊七清之禮此羞  
 豕七清也又云司士羞豕脰尸受如羊肉清之禮此  
 羞豕脰也上賓獻尸司士羞清魚縮執俎以升尸取  
 膾祭祭之卒爵後司士縮奠俎于羊俎南橫載于羊  
 俎卒乃縮執俎以降此羞清魚也皆益送之俎也主  
 人獻脩司馬橫執羊俎以升設于豆東此脩正俎也  
 主婦獻脩司士縮執豕脰以升脩祭肺後司士縮奠

豕脰于羊俎之東載于羊俎卒乃縮執俎以降此羞  
 豕脰也上賓獻脩司馬羞清魚一如尸禮此羞清魚  
 也皆益送之俎也主人受尸酢長賓設羊俎于豆西  
 此主人正俎也又云次賓羞七清如尸禮此羞羊七  
 清也又云司馬羞羊肉清縮執俎主人祭肺臍之興  
 反加于清俎司馬縮奠清俎于羊俎西乃載之卒載  
 縮執虛俎以降注言虛俎者羊清俎訖於此虛不復用此羞羊肉清也  
 主婦致爵于主人受豕七清受豕脰皆如尸禮此羞  
 豕七清豕脰也上賓致爵于主人司士羞一清魚如  
 尸禮此羞清魚也皆益送之俎也又主婦受尸酢司



馬設羊俎于豆南是為主婦正俎主婦不備三獻故無益送之俎也至于主人獻尸次賓羞羊燔縮執俎縮一燔于俎上鹽在右尸受祭齊後興加于羊俎賓縮執俎以降主婦獻尸次賓羞豕燔如羊燔之禮主人獻侑次賓羞羊燔主婦致爵于主人受豕禮主人受尸酢次賓羞羊燔如主人之燔亦皆如尸禮主婦受尸酢次賓羞羊燔如主人之禮李氏如圭曰羞燔亦當以羊肉清之俎考士虞禮羞燔俎在內西塾上南順注南順於南面取縮執之便也肝俎在燔東然則羞燔別有俎以載之不用雍

人所執之俎李氏之說非也又少牢正祭主人獻尸從獻有肝無燔故於饋尸則皆以燔從也

凡士祭正獻後加爵三下大夫祭正獻後加爵二饋尸則正獻後加爵一

廷堪案特牲饋食禮主人獻賓與兄弟畢長兄弟洗觚為加爵如初儀不及佐食洗致如初無從注大夫

士三獻而禮成多之為加也疏云飲酒禮卿大夫三獻士唯一獻而已祭禮

士同于大夫者攝盛此長兄弟加爵于尸一也又云眾賓長為

加爵如初爵止至旅酬賓酬長兄弟交錯以辯後為加爵者作止爵如長兄弟之儀注於旅酬之間言作



止爵明禮殺竝作此衆賓長加爵于尸二也又旅酬  
 無算爵畢利洗散獻于尸酢及祝如初儀降實散于  
 篚注利佐食也言利以今進酒也更言獻者以利侍  
 尸禮將終宜一進酒嫌於加爵亦當三也獻即加爵  
 故注云然  
 此佐食加爵于尸三也疏云上主人主婦賓長爲三  
 獻長兄弟爲加爵衆賓長爲加爵利洗散獻尸亦三  
 尸飲六士祭事尸禮畢也是士祭正獻後加爵三也  
 有司徹不饋尸之禮主人獻私人畢賓長獻于尸尸  
 醋獻祝致醋賓以爵降實于篚此賓長加爵于尸一  
 也又無算爵畢利洗爵獻于尸尸醋獻祝祝受祭酒

啐酒奠之此佐食加爵于尸二也是下大夫祭正獻  
 後加爵二也有司徹饋尸之禮兄弟後生舉觶畢賓  
 長獻于尸如初無消爵不止注賓長者賓之長次上  
 賓者非即上賓也如初如其獻侑酌致主人受尸酢  
 也無消爵不止別不如初者不使兄弟不稱加爵大  
 夫尊也不用觚大夫尊者也此賓長加爵于尸也是  
 饋尸正獻後加爵一也通前正祭  
 爲尸飲七陳氏祥道曰士禮  
 主人主婦賓三獻又爵三長兄弟賓長利獻之也下  
 大夫主人主婦賓三獻又爵二賓長與利獻之也上  
 大夫特主人主婦賓三獻而已蓋士與下大夫無饋



尸故有加爵上大夫有儻尸故無加爵天子諸侯有  
 繹祭又有加爵禮所以隆於尊者也考陳氏所謂上  
 大夫無加爵者指少牢上篇正祭而言若儻尸三獻  
 後賓長亦加爵也又有司徹儻尸賓長加爵後賓一  
 人舉爵于尸如初亦遂之于下注一人次賓長者如  
 初如二人洗解之為也遂之于下者遂及賓兄弟下  
 至於私人故言亦遂之于下也則此爵蓋為旅酬發  
 端如舉解之禮非加爵也  
 凡致爵皆在賓三獻之間加爵亦致若儻尸則於堂上  
 獻尸侑時行之

廷堪案特牲饋食禮賓三獻如初燔從如初爵止席

于戶內注為主人主婦洗爵酌致爵于主人主人拜

受爵主婦拜送爵宗婦贊豆如初注初贊主婦受設

兩豆兩籩俎入設主人左執爵祭薦宗人贊祭奠爵

興取肺坐絕祭齊之興加于俎坐挽手祭酒啐酒肝

從左執爵取肝揆于鹽坐振祭齊之宗人受加于俎

燔亦如之興席末坐卒爵拜主婦答拜此主婦致爵

于主人也又云受爵酌醋左執爵拜主人答拜坐祭

立飲卒爵拜主人答拜此主婦自酢也又云主婦出

反于房主人降洗酌致爵于主婦席于房中南面主



婦拜受爵主人西面答拜宗婦薦豆俎從獻皆如主人此主人致爵于主婦也又云主人更爵酌醋卒爵降實爵于筐入復位此主人自醋也至尸卒爵酢賓此尸卒三獻賓獻祝獻佐食後洗爵酌致于主人主之止爵也注如亞獻及主人主婦致婦燔從皆如初爵也凡獻佐食皆無從此賓致爵于主人主婦也又云更爵酢于主人卒復位此賓自酢于主人也以上主婦致爵于主人及自醋共二爵主人致爵于主婦及自酢共二爵賓致爵于主人主婦及自酢于主人共三爵是爲七爵皆行于賓三獻之間合尸作止爵及酢賓獻祝獻佐食又四爵爲十

一爵也此士禮也有司徹不償尸之禮賓三獻爵止主婦洗于房中酌致于主人主人拜受主婦尸西北面拜送爵司宮設席主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在東西佐食設俎主人左執爵右取菹換于醢祭于豆間遂祭籩奠爵興取牢肺坐絕祭臍之興加于俎坐挽手祭酒執爵以興坐卒爵拜主婦答拜此主婦致爵于主人也又云受爵酌以醋尸內北面拜主人答拜卒爵拜主人答拜此主婦自醋也至尸卒止爵酢賓賓獻祝獻兩佐食後洗致爵于主人主人



席上拜受爵賓北面答拜坐祭遂飲謂主人祭飲也卒爵拜  
賓答拜此賓致爵于主人也又云受爵酌致爵于主  
婦主婦北堂司宮設席東面主婦席北東面拜受爵  
賓西面答拜婦贊者薦韭菹醢菹在南方婦人贊者  
執棗糗授婦贊者婦贊者不興受設棗于菹南糗在  
棗東佐食設俎于豆東主婦升筵坐左執爵右取菹  
捩于醢祭之祭籩奠爵興取肺坐絕祭瘠之興加于  
俎坐捩手祭酒執爵興筵北東面立卒爵拜賓答拜  
此賓致爵于主婦也又云賓受爵易爵于篚洗酌醋  
于主人戶西北面拜主人答拜卒爵拜主人答拜此

賓自醋于主人也以上主婦致爵于主人及自醋共  
二爵賓致爵于主人主婦及自酢于主人共三爵是  
爲五爵皆行于賓三獻之間合戶作止爵及酢賓獻  
祝獻上下兩佐食又五爵爲十爵方之特牲少主人  
致爵于主婦及自酢二爵多獻下佐食一爵此下大  
夫禮也是致爵皆在賓三獻之間也特牲饋食禮長  
兄弟洗觚爲加爵如初儀不及佐食洗致如初無從  
注不及佐食無從殺也致致于主人主婦疏云如初  
儀者如賓長三獻之儀但賓長獻十一爵此兄弟之  
長加獻則降唯有六爵以其闕主人主婦致爵并酢



四爵及獻佐食五唯有六在者洗觚爲加獻一也尸  
酢長兄弟二也獻祝三也致爵于主人四也致爵于  
主婦五也受主人酢六也又云衆賓長爲加爵如初  
爵止有司徹不償尸之禮賓長獻于尸尸醋獻祝致  
醋注致謂致爵于主人主婦不言如初者爵不止又  
不及佐食是加爵亦致也士虞不致爵者不備禮也  
有司徹償尸主婦及賓皆于獻尸侑後致爵于主人  
故少牢正祭賓三獻不致爵也又有司徹舉觶後賓  
長獻于尸如初無清爵不止注如初如其獻侑酌致  
主人受尸酢也則償尸加爵亦致也

又案少牢饋食禮賓長三獻畢獻祝祝祭酒啐酒奠  
爵于其筵前疏云特牲賓長獻爵止待夫婦致爵此  
大夫禮或有償尸者故不致爵爵不止也若然有司  
徹尸作止爵三獻致爵于主人主人不酢主婦又不  
致爵于主婦下大夫不償尸賓獻尸止爵主婦致爵  
于主人酢主婦主人不致爵于主婦特牲主人與主  
婦交相致爵參差不同者此以尊卑爲差降之數故  
有異也上大夫得償尸故致爵上辟人君下大夫不  
償尸故增酢主婦而已士卑不嫌與君同故致爵具  
也此疏言致爵之禮異同甚詳然下大夫賓亦致爵



于主婦不止增酢主婦也祭必致爵于主人者所以致敬于主祭者也

凡不償尸之祭賓三獻爵止則均神惠于室加爵者爵止則均神惠于庭

廷堪案特牲饋食禮賓三獻爵止注尸止爵者三獻禮成欲神惠之均於室中是以奠而待之疏云主人主婦各得一酢而已未得獻是神惠未均待主人主婦致爵乃均也考此三獻節內主婦致爵于主人及自酢主人致爵于主婦及自酢尸作止爵及酢賓賓獻祝獻佐食致爵于主人主婦及受主人酢共十一

爵是三獻爵止神惠均于室也賓三獻畢主人獻賓

于西階上自酢及獻眾賓亦于西階上酬賓在西階前為旅酬發

端則室事終而庭事起矣獻長兄弟眾兄弟皆于阼階上獻內兄

弟于房中此因室中而兼及堂上房中也又長兄弟

加爵畢眾賓長為加爵如初爵止注尸爵止者欲神

惠之均於在庭疏云庭賓及兄弟雖得一獻未得旅

酬其尸已得三獻又別受加爵故停之使庭行旅酬

考此爵至旅酬時賓酬眾兄弟旅西階前一解畢經

云為加爵者作止爵如長兄弟之儀注於旅酬之間

言作止爵明禮殺並作疏云行旅酬未訖故云禮殺



並作也作止爵畢長兄弟酬賓始旅阼階前一觶是  
 加爵者爵止神惠均于庭也有司徹不償尸之禮賓  
 長洗爵獻于尸尸拜受賓尸西北面答拜爵止此三  
 獻節內主婦致爵于主人及自酢尸作止爵及酢賓  
 賓獻祝獻兩佐食致爵于主人主婦及受主人酢共  
 十爵三獻畢主人獻眾賓兄弟內賓私人皆如償禮  
 亦三獻爵止均神惠于室而兼及堂上房中也不償  
 尸之禮賓長獻于尸爵不止者下大夫與士異也  
 又案有司徹償尸于堂賓三獻尸奠爵于薦左注奠  
 爵爵止也此爵至主人酬尸主人獻長賓于西階上

辨獻眾賓自酢于長賓

皆在西階上唯酬賓于西階南為無算爵發端獻兄

弟于阼階上獻內賓于房中獻私人于阼階上畢尸  
 乃作三獻之爵卒爵後賓獻侑致爵于主人及受尸  
 酢於是三獻禮成而神惠均于堂上及房中矣償尸  
 無室中之事故致爵于獻尸侑時行之也賓三獻畢  
 二人舉觶于尸侑為旅酬始眾賓及兄弟飲于堂上  
 私人飲于堂下已均神惠于庭矣而賓長加獻于尸  
 後賓一人舉爵于尸更行旅酬者償尸之禮盛威儀  
 多也少牢饋食禮正祭賓三獻尸即卒爵酢賓不止  
 爵者祭畢將償尸故也



凡祭陰厭則薦豆設俎尸飯則加豆亞獻則薦籩若將儻尸則正獻不薦

廷堪案特牲饋食禮陰厭主婦薦兩豆俎入設于豆東士虞禮陰厭贊薦菹醢俎入設于豆東少牢饋食禮陰厭主婦薦四豆司士設五俎羊豕魚腊膚是陰厭則薦豆設俎也敦與鉶亦於陰厭時設之少牢無大羹至尸飯始設鉶與士禮不同也特牲尸未食時設大羹清尸三飯後佐食羞庶羞四豆士虞禮尸未食時設大羹清及菽四豆少牢饋食禮尸未食時上佐食羞兩鉶尸三飯後上佐食羞菽醢醢四瓦豆是尸飯則

加豆也羹亦於尸飯時設之少牢設鉶羹特牲士虞設大羹大夫與士不同也少牢特牲設羹于尸未食時加豆於尸三飯後士虞設羹加豆皆于尸未食時吉祭與虞祭不同也特牲士虞主婦亞獻皆薦兩籩皆素栗有司徹不儻尸之禮主婦亞獻薦兩籩及兩加籩棗糗栗脯是亞獻則薦籩也獻尸蓋飲酒之禮豆籩俱有正豆於陰厭時薦之加豆於尸飯時設之故至亞獻時始薦籩猶之正俎於陰厭時設之於尸飯時舉之故至獻尸時始羞從俎也若少牢饋食禮主婦亞獻不薦籩者為將儻尸故殺其禮也



又案有司徹饋尸蓋同飲酒之禮主人初獻薦豆籩  
主婦亞獻設鉶與加籩賓三獻羞清魚鄉飲酒鄉射  
燕禮大射亦飲酒之禮然牲用一狗故不能備三獻  
皆一獻惟有司徹牲用羊豕始能備三獻之禮也又  
主婦薦豆籩疏云正祭則先薦後獻釋祭則先獻後  
薦故祭義云君獻尸夫人薦豆鄭注云謂釋日也則  
此饋尸禮與天子諸侯釋祭同故亦先獻後薦也是  
正祭與饋尸之別也  
凡始虞之祭謂之祫事再虞之祭謂之虞事三虞卒哭  
之祭謂之成事

廷堪案士虞記始虞用柔日曰哀子某哀顯相風與  
夜處不寧敢用絜牲剛蠶香合注黍也大夫士於黍稷之號合言普淖而  
已此言香合蓋記者誤爾嘉薦普淖明齊溲酒注明  
辭次黍又不得在薦上水也言以新水溲釀此酒也郊特牲曰明浼齊貴新  
也或曰當為明視謂兔腊也今文曰明案案稷也皆非其次敖氏繼公哀薦祫事適爾皇祖某甫饗是始  
日明齊蓋言禮也虞之祭謂之祫事也又云再虞皆如初日哀薦虞事  
是再虞之祭謂之虞事也三虞卒哭他用剛日亦如  
初日哀薦成事注士則庚日三庚壬日卒哭他謂不  
及時而葬者喪服小記曰報葬者報虞三月而後卒  
哭然則虞卒哭之間有祭事者亦用剛日其祭無名



謂之他者假設言之文不在卒哭上者以其非常也  
令正者自相亞也檀弓曰葬日中而虞弗忍一日離  
也是日也以虞易奠卒哭曰成事是日也以吉祭易  
喪祭明日祔於祖父如是虞爲喪祭卒哭爲吉祭今  
文他爲宅疏云前有人解云三虞與卒哭同爲一事  
雜記云上大夫之虞也少牢卒哭成事祔皆太牢鄭  
注云卒哭成事祔言皆則卒哭成事祔與虞異矣是  
微破前人三虞與卒哭同解者也是三虞一祭卒哭  
一祭他又一祭皆謂之成事也敖氏繼公曰他者變  
易之辭猶今言別也不用柔日而用剛日故云他也

近吳氏廷華主其說張氏爾岐曰他字殆羨文並與  
注異又敖氏繼公以三虞爲卽卒哭則鄭賈已棄之  
說不可從

又案哀薦祫事祫字見於禮經唯此一事耳至於春  
秋文公二年八月丁卯大事于大廟躋僖公公羊傳  
大事者何大祫也大祫者何合祭也其合祭柰何毀  
廟之主陳于大祖未毀廟之主皆升合食于大祖五  
年而再殷祭王制天子植禘祫嘗祫烝諸侯禘  
植禘一植一祫嘗祫烝祫曾子問祫祭於祖大傳于  
祫及其高祖周禮大宗伯以肆獻裸享先王以饋食



享先王後鄭注肆獻裸饋食在四時之上則是禘也  
禘也又司尊彝凡四時之間祀追享朝享鄭司農云  
追享朝享謂禘祫也在四時之間故曰間祀後鄭不  
用此說  
則皆傳注之文於經蓋無徵也士虞記始虞謂之祫  
再虞謂之虞三虞謂之成然則祫者蓋始虞之祭耳  
若禮緯所云三年一祫五年一禘則皆指王者之大  
祭而言而禮經無明文故後儒多聚訟矣

凡卒哭明日祔廟之祭謂之祔

廷堪案士虞記死三日而殯三月而葬遂卒哭注謂  
士也  
將且而祔則薦注薦謂卒哭之祭故氏繼公  
曰薦謂薦脯醢而奠酒也卒辭曰

哀子某來日某濟祔爾于爾皇祖某甫尙饗女子曰  
皇祖妣某氏注女孫祔  
於祖母婦曰孫婦于皇祖姑某氏其

他辭一也饗辭曰哀子某圭為而哀薦之饗注圭絜  
也詩曰

吉圭為饗凡吉  
祭饗尸曰孝子此言卒哭之祭也又云明日以其班  
祔注卒哭之明  
祔日也班次也沐浴櫛搔翦注彌自  
飾也用專膚為折俎

取諸脰膾其他如饋食用嗣尸疏云從虞以至  
祔祭唯用一尸曰孝  
子某孝顯相夙興夜處小心畏忌不惰其身不寧用

尹祭注尹祭脯也大夫士祭無云脯者今  
不言牲號而云尹祭亦記者誤矣嘉薦普淖  
普薦注羹  
羹溲酒適爾皇祖某甫以濟祔爾孫某甫尙

饗此言祔廟之祭也考以其班祔注云喪服小記曰



祔必以昭穆亡則中一以上凡祔已復于寢如既祫  
 主反其廟練而後遷廟疏云案曾子問云天子諸侯  
 既祫祭主各反其廟今祔于廟祔已復于寢若大夫  
 士無木主以幣主其神如祫祭訖主反廟相似又祔  
 祭告辭注云曾子問曰天子崩國君薨則祝取羣廟  
 之主而藏諸祖廟禮也卒哭成事而後主各反其廟  
 然則士之皇祖於卒哭亦反其廟無主則反廟之禮  
 未聞其以幣告之乎詳注意天子諸侯有主則祔廟  
 反寢及反廟皆以主大夫士無主則皆以幣告之即  
 許氏慎束帛依神之謂也

聘禮賓釋幣于廟

又案卒哭祝辭及祔廟祝辭皆稱皇祖為爾書金滕  
 史乃冊祝曰惟爾元孫某又云若爾三王又云用能  
 定爾子孫于下地又云爾之許我我其以璧與珪歸  
 俟爾命爾不許我我乃屏璧與珪此告大王王季文  
 王之辭也皆稱爾與禮經正合蔡傳曰其稱爾稱我  
 無異人子之在膝下以語其親者此亦終身慕父母  
 與不死其親之意以見公之達孝也不知禮經祝辭  
 本於其祖稱爾不獨金滕為然矣  
 凡朞而祭謂之小祥又朞而祭謂之大祥大祥間一月  
 之祭謂之禫



禮記卷之十一  
廷堪案士虞記碁而小祥曰薦此常事注小祥祭名  
祥吉也檀弓曰歸祥肉言常者碁而祭禮也是碁而  
祭謂之小祥也又云又碁而大祥曰薦此祥事注又  
復也疏云此謂二十五月大祥祭故云復碁也變言  
祥事亦是常事也是又碁而祭謂之大祥也又云中  
月而禫注中猶閒也禫祭名也與大祥閒一月自喪  
至此凡二十七月禫之言澹澹然平安意也又云是  
月也吉祭猶未配注是月禫月也當四時之祭月則  
祭猶未以某妃配某氏哀未忘也是大祥閒一月之  
祭謂之禫也考王肅之說以中月爲月中則二十五

月而禫也鄭康成之說以中月爲閒一月則二十七  
月而禫也公羊傳三年之喪實以二十五月荀子禮  
論三年之喪二十五月而畢此王氏之所本也孔穎  
達檀弓疏云戴德喪服變除禮二十五月大祥二十  
七月而禫故鄭依用焉此鄭氏之所本也鄭王二說  
後人互相是非靡所折衷今說禮經皆用鄭義故從  
之紛紛之論不暇載也

又案小祥之祭亦謂之練喪服小記練筮日筮尸孔  
氏正義練謂小祥也會子問祭如之何則不行旅酬  
之事矣孔子曰聞之小祥者主人練祭而不旅奠酬



於賓賓弗舉禮也昔者魯昭公練而舉酬行旅非禮也孝公大祥奠酬弗舉亦非禮也鄭注奠無尸虞不致爵小祥不旅酬大祥無無算爵彌吉雜記期之喪十一月而練十三月而祥十五日而禫練小祥也祥大祥也小祥大祥之祭禮經篇亡無可考鄭氏蓋據戴記推言之

凡虞祭無所俎不致爵不加爵獻尸畢不獻賓不旅酬不養

廷堪案士虞禮尸九飯時所舉肺脊牲體及魚腊皆實于筐注筐猶吉祭之有所俎是虞祭無所俎也賓

三獻燔從如初儀無止爵均神惠于室中之事是虞祭不致爵也三獻後卽告利成是虞祭不加爵不獻賓不旅酬也尸出戶卽改饌陽厭賓出是虞祭不養也蓋虞祭是葬畢迎精之祭與吉祭異故不能備禮也又士虞記祔祭用專膚爲折俎取諸脰膾注專猶厚也折俎謂主婦以下俎也體盡人多折骨以爲之今以脰膾貶於純吉今文字爲折俎而說以爲折俎亦甚誣矣舊說有以折俎爲折俎者故鄭駁之然則祔祭未純吉尙無所俎歟

又案士虞記無尸則禮及薦饌皆如初旣饗祭于苴



祝祝卒不綏祭無泰羹清馐從獻主人哭出復位祝  
 闔牖戶降復位于門西男女拾踊三如食間隱之如  
九飯之 祝升止哭聲三啟戶主人入祝從啟牖鄉如  
 初主人哭出復位卒徹祝佐食降復位宗人詔降如  
 初此記虞祭無尸之禮注無尸謂無孫列可使者也  
 殤亦是也考王制大夫士宗廟之祭有田則祭無田  
 則薦竊謂此虞祭無尸或士之無田者薦而不祭故  
 殺其禮是以下記亦云無尸則不餞也  
 又案士虞記虞沐浴不櫛注今文曰沐浴經從古文  
 固曰沐浴矣而注又云今文曰沐浴承學之士多疑

之故或謂當作今文曰沐浴或謂當作今文曰沐皆  
 以意改注而終覺未安惟吾友江鄭堂藩曰今文曰  
 沐浴者無不櫛二字也斯言得之矣

凡卒哭祭畢餞尸于廟門外亦三獻  
 廷堪案士虞記獻畢未徹乃餞注卒哭之祭既三獻  
 也餞送行者之酒尸且將始耐于皇祖是以餞送之  
 又云尊兩甒于廟門外之右少南水尊在酒西勺北  
 枋洗在尊東南水在洗東篚在西饌籩豆脯四脰有  
 乾肉折俎二尹縮祭半尹在西塾是尊洗薦俎皆陳  
 于廟門外也又云尸出執几從席從尸出門右南面



席設于尊西北東面几在南是几席亦設于廟門外也又云賓出復位主人出卽位于門東少南婦人出卽位于主人之北皆西面哭不止是賓及主人婦人皆在廟門外也又云尸卽席坐唯主人不哭洗廢爵酌獻尸尸拜受主人拜送哭復位薦脯醢設俎于薦東胸在南尸左執爵取脯搗醢祭之佐食授噉尸受振祭噉反之祭酒卒爵奠于南方主人及兄弟踊婦人亦如之此主人初獻也又云主婦洗足爵亞獻如主人儀無從踊如初此主婦亞獻也又云賓長洗纒爵三獻如亞獻踊如初此賓長三獻也又云佐食取

俎實于篚尸謾從者奉篚哭從之祝前哭者皆從及大門內踊如初尸出門哭者止此則尸出大門也考喪服小記鄭氏注虞于寢祔于祖廟此卒哭當亦于寢而餞尸云廟門之外者士喪禮注凡宮有鬼神曰廟是也卒哭餞尸初獻用廢爵亞獻用足爵三獻用纒爵與士虞禮同

凡士祭加爵後嗣子入舉奠大夫祭則不舉奠廷堪案特牲饋食禮衆賓長加爵之後嗣舉奠盥入北面再拜稽首注嗣主人將爲後者舉飲酒也使嗣子飲奠者將傳重累之者又云尸執奠進受復位祭



禮記卷之十一  
祭義第十  
酒啐酒尸舉肝舉奠左執觶再拜稽首進受肝復位  
坐食肝卒觶拜尸備答拜焉舉奠洗酌入尸拜受舉  
奠答拜尸祭酒啐酒奠之舉奠出復位注啐之者答  
其欲醉已也奠之者復神之奠觶特牲饋食記嗣舉  
奠佐食設豆鹽注肝宜鹽也此鹽實于豆故記特言  
之考嗣舉奠之禮唯士祭有之大夫則否特牲禮注  
大夫之嗣子不舉奠辟諸侯疏云文王世子云其登  
餽獻受爵則以上嗣注云上嗣君之適長子以特牲  
饋食禮言之受爵謂上嗣舉奠也獻謂舉奠洗爵酌  
入也餽謂宗人遣舉奠盥祝命之餽也大夫之嗣無

此禮辟君也今按少牢無嗣子舉奠之事故此注云  
辟諸侯士卑不嫌得與人君同故有嗣子舉奠之事  
也奠者卽上文祝酌奠奠于鉶南是也孔氏穎達文  
王世子正義云奠者初尸未入之前祝酌奠于鉶南  
尸入祭奠不飲至此乃嗣子舉之又云少牢饋食禮  
無嗣子舉奠大夫尊於士而不舉奠故知辟正君也  
此奠陰厭時酌之爲饗神也故是時嗣子舉而飲之  
復酌而獻尸尸啐而仍奠之也嗣子舉奠經不云升  
降自何階故特牲禮注云嗣齒於子姓凡非主人升  
降自西階嫌與主人同由阼階也



凡正祭于室儻尸則于堂

廷堪案特牲饋食禮少牢饋食禮及士虞禮皆陰厭後迎尸入室行饋食之禮卒食醕尸主人主婦賓長凡三獻皆在室中此正祭之禮也少牢正祭畢尸出于廟門之後有司徹埽堂攝酒殺俎復選侑以輔尸然後迎尸與侑入廟門升堂行禮如飲酒之儀在堂上不在室中此儻尸之禮也特牲旅酬賓酬長兄弟在阼階前北面長兄弟酬賓在西階前北面此士不賓尸之禮旅酬在堂下也有司徹旅酬尸北面于阼階上酬主人又云主人酬侑于西楹西又云主人復

筵乃升長賓侑酬之如主人之禮至于衆賓遂及兄弟亦如之皆飲于上注上西階上又云遂及私人拜受者升受下飲卒爵升酌以之其位相酬辯注升酌由西階此上大夫儻尸之禮旅酬在堂上雖私人亦升酌下飲蓋尊在堂上故也特牲則旅酬特別設尊于庭與儻尸不同有司徹下大夫不儻尸之禮經不云別設尊當亦如儻也

又案儻尸卽天子諸侯之繹祭也繹祭于明日行之儻尸卽于祭日行之此爲異耳有司徹鄭目錄云上大夫旣祭儻尸於堂之禮天子諸侯之祭明日而繹



陳氏祥道曰繹必于明日春秋書辛巳有事于大廟  
壬午猶繹穀梁曰繹者祭之明日享賓也公羊曰繹  
者何祭之明日是也賓尸則祭日而已儀禮有司徹  
埽堂攝酒迎尸而賓之是也又曰正祭重而主于禮  
神繹輕而主于禮尸主于禮神故在室主于禮尸故  
在堂又曰祊其位也繹其祭也賓尸其事也此說正  
祭及繹祭儻尸最分明蓋正祭以神事尸繹祭與儻  
尸則以賓客之禮事尸也天子諸侯繹祭篇亡不可  
考唯上大夫儻尸禮存耳

凡尸在室中皆東面在堂上則南面

廷堪案特牲饋食禮祝筵几于室中東面下云尸即  
席坐少牢饋食禮司宮筵于奧席設几于筵上右之  
注布陳神坐也室中西南隅謂之奧席東面近南爲  
右下云尸升筵祝主人西面立于戶內祝在左祝主  
人皆拜妥尸尸東面坐故祝主人西面拜之此皆尸  
在室中東面者也有司徹筵于戶西南面注爲尸席  
也下云尸升筵自西方坐此則尸在堂上南面者也  
聘禮賓將行朝服釋幣于禰有司筵几于室中注凡  
釋幣設盥盥如祭又使還奠告乃至于禰筵几于室  
薦脯醢疏云司宮設席于奧東面右几但無牲牢進



脯醢而已此無尸爲神布席于室中亦東面也土昏  
禮主人筵于戶西西上右几注筵爲神布席也聘禮  
几筵旣設擯者出請命注賓至廟門司宮乃于依前  
設之神尊不豫事也席西上考戶西依前皆指堂上  
而言席南面故以西爲上此爲神布席于堂上亦南  
面也蓋室中以東面爲尊堂上以南面爲尊故鄉飲  
酒鄉射燕禮大射公食大夫賓席于堂上皆南面也  
在室中者全乎鬼神之禮故東面在堂上皆兼乎賓  
客之禮故南面也

凡祭畢告利成士禮則祝主人立于戶外大夫禮則祝

主人立于階上

廷堪案特牲饋食禮祭畢主人出立于戶外西南疑當

作面字祝東面告利成注利猶養也供養之禮成不言

禮畢於戶閒之嫌士虞禮祭畢祝出戶西面告利成

注西面告告主人也是士禮告利成祝主人立于戶

外也少牢饋食禮祭畢主人出立于阼階上西面祝

出立于西階上東面祝告曰利成有司徹不饋尸之

禮祭畢主人出立于阼階上西面祝出立于西階上

東面祝告于主人曰利成是大夫禮告利成祝主人

立于階上也特牲疏云此戶外告利成少牢階上告



利成以尊者稍遠于尸若天子諸侯禮畢於堂下告  
 利成故詩楚茨云孝孫徂位工祝致告鄭云孝孫徂  
 位堂下西面位也祝於是致孝孫之意告尸以利成  
 少牢特牲土虞皆告主人以利成此鄭箋蓋以楚茨  
 云告尸孔氏正義以為天子之禮為天子祭禮故疏引之證天子諸侯告利成在堂下  
 也然則告利成之禮以於尸遠近為差也

又案特牲禮主人出立于戶外西南張氏淳曰下文  
 有云上養答拜受爵降實于篚主人出立于戶外西  
 面此南字亦當為面近沈氏炳震亦引少牢及有司  
 徹主人出立于阼階上西面證特牲此文當作西面

然少牢有司徹立于階上特牲立于戶外禮本不同  
 開成石經亦作西南存此以質知者

詩楚茨考

小雅楚茨凡六章言王朝卿大夫之祭禮也首章言黍  
 稷為酒食之用遂及正祭之妥侑也二章言牲牢為鼎  
 俎之用遂及祊祭之饗報也三章言儻尸于堂之禮也  
 四章言尸嘏主人之禮也五章言既祭而徹也六章言  
 既徹而燕也以少牢饋食禮考之有同有異少牢所言  
 蓋侯國卿大夫之祭禮也如第一章云以為酒食以享  
 以祀以妥以侑案少牢上篇尸入十一飯所謂食也卒



食酌獻尸所謂酒也陰厭在尸未入之前所謂享祀也尸入升筵祝與主人皆拜妥尸所謂妥也尸七飯後告飽祝侑尸八飯後告飽主人侑所謂侑也第二章云或剝或亨或肆或將案少牢上篇司馬刲羊司士擊豕所謂剝也熟牲體于雍爨所謂亨也升牲體于鼎所謂肆也載牲體于俎所謂將也皆言正祭之禮也第三章云執爨踏踏案少牢下篇乃殺尸俎蓋因儻尸而溫之故前既云亨此復云執爨也又云爲俎孔碩案少牢下篇儻尸之禮凡十二俎唯尸侑主人主婦四俎爲正俎其餘八俎皆以雍人所執二俎益送往還其禮繁多故

云孔碩也又云君婦莫莫爲豆孔庶案少牢下篇宰夫羞房中之羞于尸侑主人主婦皆右之司士羞庶羞于尸侑主人主婦皆左之此非正獻之豆皆庶羞之豆故云孔庶也又云爲賓爲客獻酬交錯儻尸之禮不獨助祭者爲賓客卽尸侑亦賓客也案少牢下篇主人主婦上賓獻尸侑主人獻長賓以下皆獻也主人酬尸酬賓及旅酬無算爵皆酬也又云萬壽攸酢案少牢下篇主人主婦上賓受尸酢主人自酢于長賓皆酢也皆言儻尸之禮也第五章云孝孫徂位工祝致告蓋正祭告利成之禮案少牢上篇主人出立于阼階上西面祝出立



于西階上東面祝告曰利成故云袒位致告也又云神具醉止皇尸載起案少牢上篇尸謾主人降立于阼階東西面祝先尸從遂出于廟門此正祭之尸謾也下篇尸出侑從主人送于廟門之外拜尸不顧此儻尸之尸出也以上皆與少牢饋食禮同者第三章又云或燔或炙炙者肝也謂從俎也案特牲禮主人初獻賓長以肝從主婦亞獻兄弟長以燔從少牢下篇不儻尸之禮主人初獻賓羞肝主婦亞獻次賓羞牢燔蓋燔炙皆有若上大夫正祭則有肝無燔儻尸則有燔無肝也第五章又云諸宰君婦廢徹不遲案特牲禮養畢宗婦徹祝豆

籩入于房徹主婦薦俎少牢下篇不儻尸之禮祭畢婦人乃徹徹室中之饌注皆以為禮殺若上大夫儻尸之禮則但云有司徹不云婦人徹也又云諸父兄弟備言燕私案特牲禮尸謾徹庶羞設于西序下養畢祝命徹阼俎豆籩設于東序下注皆以為將燕少牢下篇不儻尸之禮歸尸俎後徹阼薦俎注引特牲禮為證蓋亦將燕也若上大夫儻尸之禮但云主人退不云徹而燕也又少牢無牛而詩云絜爾牛羊少牢無祊祭而詩云祝祭于祊少牢無樂而詩云鐘鼓既戒又云鐘鼓送尸又云樂且入奏以上皆與少牢饋食禮異者至于少牢尸



嘏主人曰皇尸命工祝承致多福無疆于女孝孫來女  
孝孫使女受祿于天宜稼于田眉壽萬年勿替引之詩  
中如孝孫有慶報以介福萬壽無疆又云工祝致告徂  
賚孝孫又云永錫爾極時萬時億又云子子孫孫勿替  
引之亦多與嘏辭合也王朝卿大夫之祭禮篇亡不可  
考楚茨與少牢饋食禮異者或卽其遺制歟王深寧但  
云楚茨可以見少牢饋食禮而不知其中有王朝侯國  
之不同也

禮經釋例卷十終



